
ХИТОЙНИНГ СМЕС КОРПОРАЦИЯСИ ФАРҒОНАДА ЙИРИК ИНВЕСТИЦИОН ЛОЙИҲАЛАРГА САРМОЯ КИРИТАДИ

Вилоят ҳокими Хайрулло Бозоров Хитой Машинасозлик ва муҳандислик корпорациясининг (СМЕС) Ўзбекистондаги ваколатхонаси раҳбари ўринбосари Чен Пэн ҳамда сармоядор Чжун Юнфейни қабул қилди.

Лойиҳалаш ва қурилиш, энергетика, маъданчилик, электроника, экспорт-импорт ва бошқа кўплаб соҳаларда фаолият олиб боровчи йирик халқаро корпорация бўлган СМЕС ҳозирда дунёнинг 150 дан ортиқ давлатларида турли йўналишларда ўз лойиҳаларини амалга ошириб келади. Хитой Машинасозлик ва муҳандислик корпорацияси кўплаб инвестицион лойиҳаларга ҳам ўз сармоясини йўналтирган. Корпорация 6 йилдан бери Ўзбекистонда ҳам ўз ваколатхонасига эга.

Бугунги учрашувда СМЕС вакиллари Фарғона вилоятида йирик савдо-логистика маркази қуриш, шамол электр станцияси учун бутловчи қисмлар ишлаб чиқариш корхонаси барпо этиш, қуёш панеллари йиғиш корхонасини ташкил этиш лойиҳалари бўйича дастлабки таклифларини тақдим этдилар. Лойиҳалар концепциялари вилоят ҳокими томонидан маъқулланди, уларни амалга ошириш бўйича амалий ишларга киришиладиган бўлди. Келгуси ойларда Хитой Машинасозлик ва муҳандислик корпорацияси раҳбарларининг вилоятимизга ташрифини ташкил этиш ҳамда ҳар бир лойиҳа бўйича инвестицион шартномаларни имзолашга келишиб олинди.

Шунингдек, вилоятда етиштирилган мошни катта миқдорда Хитойга экспорт қилиш масаласида ҳамкорлик бўйича ҳам келишувга борилди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-06-01 20:01:37